



Broj: 04-16-7-16-17/18

Sarajevo, 12. 11. 2018.

Na osnovu člana člana 8. Zakona o Agenciji za rad i zapošljavanje Bosne i Hercegovine („Službeni glasnik BiH“ broj: 21/03 i 43/09), člana 66. Zakona o javnim nabavkama Bosne i Hercegovine („Službeni glasnik BiH“, broj: 39/14), postupajući po Rješenju Ureda za razmatranje žalbi, broj: JN2-01.07-1595-7/18 od od 23.10.2018. godine, direktor Agencije za rad i zapošljavanje Bosne i Hercegovine donio je

ODLUKU o izboru najpovoljnijeg ponuđača

Član 1.

Okvirni sporazum za javnu nabavku usluga aviotransporta se dodjeljuje ponuđaču „Centrotrans-Eurolines“ d.d. Sarajevo, ponuda broj: 1/05512/18 od 28.08.2018. godine, sa ukupnom cijenom ponude od 250,00 KM, bez uključenog PDV-a, odnosno 292,50 KM, sa uključenim PDV-om.

Član 2.

Za izvršenje ove odluke zadužuje se i ovlašćuje Odsjek za računovodstvene poslove.

Član 3.

Ova odluka objavit će se na web-stranici Agencije istovremeno sa upućivanjem ponuđačima koji su učestvovali u postupku javne nabavke, u skladu s članom 70. Stav 6. Zakona o javnim nabavkama Bosne i Hercegovine.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama Bosne i Hercegovine.

Obrazloženje

Rješenjem Ureda za razmatranje žalbi, broj: JN2-01.07-1595-7/18 od od 23.10.2018. godine, a rješavajući po žalbi Centrotrans Eurolines d.d. Sarajevo poništena je odluka o izboru najpovoljnijeg ponuđača broj. 04-16-7-16-14/18 od 24.09.2018. godine kojom je kao najpovoljnija ponuda u konkurentskom postupku javne nabavke usluga aviotransporta, nakon provedene e- aukcije, ocjenjena ponuda Ralax Toursa d.o.o. Sarajevo, po cijeni od 50,00 KM bez PDV-a, , odnosno 58,50 KM sa uključenim PDV-om.

Naime, predmetni Postupak javne nabavke pokrenut je Odlukom o pokretanju postupka javne nabavke broj: 04-16-7-16-1/18 od 27.07.2018. godine. Javna nabavka je provedena putem konkurentskog zahtjeva za dostavu ponuda – kriterij najniža cijena.

Procijenjena vrijednost javne nabavke iznosi do 8,547,00 KM bez PDV-a.

Obavještenje o javnoj nabavci i tenderska dokumentacija objavljeno je 08.08.2018. god. na portalu „e-nabavke“ pod brojem 1042-7-2-12-3-2/18.

U postupku ocjene ponuda utvrđeno je slijedeće: u predmetnom postupku su blagovremeno primljene tri (3) ponude: Relax Tours d.o.o.Sarajevo, Centrotrans-Eurolines d.d. Sarajevo i Globtour Event d.o.o. Sarajevo, sve dostavljene na propisan način, uvezane i numerisane u skladu sa zahtjevima iz tenderske dokumentacije.

Ugovorni organ je od Relax Toursa d.o.o. i Globtour Eventa d.o.o. zatražio pojašnjenje neprirodno niske ponuđene cijene, u skladu sa članom 66. Zakona o javnim nabavkama. Ponuđač Relax Tours d.o.o.Sarajevo u dostavljenom roku od 3 dana je dostavio pojašnjenje neprirodno niske ponuđene cijene, a Globtour Event d.o.o. Sarajevo nije dostavio pojašnjenje neprirodno niske cijene u ostavljenom roku, pa je ova ponuda odbačena.

Ugovorni organ je prihvatio pojašnjenje Relax Toursa d.o.o, pa su prihvatljive ponude bile predmet E-aukcije, dana 18.09.2018.godine u 11:00 časova. E-aukcija je uspješno završena i kao najuspješnija ponuda je ocjenjena ponuda Relax Tours d.o.o. Sarajevo, ponuda br. 20-08/18 od 27.08.2018. godine za ponuđenu cijenu od 50,00 KM bez PDV-a, odnosno 58,50 KM sa uključenim PDV-om.

Centrotrans Eurolines d.d. Sarajevo je u zakonskom roku uložio Žalbu na odluku o izboru najpovoljnijeg ponuđača, broj: 1/6171/18 od 01.10.2018. godine, zbog:

- bitnih povreda odredaba Zakona o javnim nabavkama BiH,
- pogrešno i nepotpuno utvrđenog činjeničnog stanja,
- pogrešne primjene materijalnog prava.

Ugovorni organ je u zakonskom roku, aktom broj: 04-16-7-16-16/18 od 08.10.2018. godine prosljedio žalbu Uredu za razmatranje žalbi sa Izjašnjenjem o formalnim pretpostavkama i osnovanosti žalbe.


Ured za razmatranje žalbi je Rješenjem, broj: JN2-01.07-1-595-7/18 od 23.10.2018. godine usvojio žalbu, te poništio akt ugovornog organa- Odluku broj: 04-16.7-16-14/18 od 24.09.2018. godine i predmet vratio na ponovni postupak, naloživši ugovornom organu da pojašnjenje neprirodno niske cijene ponovo uzme u razmatranje, te isto ocijeni u skladu sa članom 66. ZJN.

Postupajući po Rješenju Ureda za razmatranje žalbi, broj: 1/6171/18 od 01.10.2018. godine, Ugovorni organ je ponovo proveo postupak ocjene pojašnjenja neprirodno niske cijene. Konstatovano je da Pojašnjenje ponuđene cijene, akt broj: 07-09/18 od 07.09.2018. godine ne sadrži obrazloženje elemenata cijene ponude propisane članom 66. stavom (2), osnovano obrazloženje, zbog čega je odlučeno kao u dispozitivu,

Pouka o pravnom lijeku: protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom.

Dostaviti:

- Ponudaču
- Komisija za javne nabavke
- Odsjeku za računovodstvene poslove
- a/a


DIREKTOR

mr. Muamer Bandić

